

四庫全書

史部

欽定四庫全書

史部

欽定八旗通志卷八十八至

欽定四庫全書

欽定八旗通志卷八十六

典禮志九

八旗鄉飲酒禮

養老附

一京師及直省府州縣每歲正月十五日及十月初一日舉行鄉飲酒禮擇鄉之年高德幼允符衆望者一人為賓其次為介又次為衆賓京師府尹為主直省各府州縣官為主

一鄉飲酒禮立一人為司正主揚解以罰失儀者
以教官充二人司爵二人贊禮二人引禮一人讀
律並以生員充其京師鄉飲酒禮由禮部堂官一
員前往監禮

康熙九年十一月順天府府丞高爾位題稱竊照
鄉飲酒禮

朝廷敬老尊賢之大典蓋民知敬老然後不悖於孝
弟民知尚德然後日趨於忠信自古迄今甚盛典

也臣跪誦

聖諭諄諄以教化為首務仰見我

國家化民成俗之至意遠軼前代矣第鄉飲酒禮一節臣府每歲舉行兩次照例將漢人中年高有德者選擇敦請恪遵無異臣思八旗下滿洲蒙古漢軍其中豈無年高有德堪為賓介者似宜并示優崇以昭獎勸伏祈

勅下部議鄉飲酒禮定例滿漢一體舉行則大典光而禮

制備矣奉

旨這本說得是著議奏該部知道尋禮部覆稱鄉飲酒禮
乃敬老尊賢之大典自當滿漢均霑以昭獎勸應
如該府丞所請查照定例滿漢一體舉行奉

旨依議

儀注

京師鄉飲酒禮順天府尹為主人前一日執事者
於府學講堂陳設坐次監禮席於庭東北向賓席

於堂西北南向主人席於堂東南西向介席於堂西南東向衆賓之長三人席於賓西南向東上皆專席不屬衆賓席於西序東向僚佐席於東序西向皆北上司正席於主人之東北向設律令案於主介間正中又設尊案一於東序端司正豫率執事習禮樂部和聲署設樂於西階下至日黎明執事者宰牲具饌監禮主人及僚屬司正先詣學遣人速賓介以下比至主人率僚屬出迎於庠門之

外揖賓介衆賓皆答揖賓入介衆賓從入主居東
賓居西贊禮者立階前贊揖主及賓三揖三讓而
後升堂東西相向立贊兩拜交拜畢賓即席乃延
介一讓升介升拜如賓禮介即席乃延衆賓以次
皆升主人揖皆答揖即席主人率僚佐皆即席咸
坐贊司正揚解執事者引司正由西階升詣堂中
北向立贊起立賓介以下皆立贊揖司正賓介以
下皆揖執事者以解酌酒授司正司正舉酒曰恭

惟

朝廷率由舊章敦崇禮教舉行鄉飲非為飲食凡我
長幼各相勸勉為臣盡忠為子盡孝長幼有序兄
友弟恭內睦宗族外和鄉黨無或廢墜以忝所生
讀畢贊司正飲酒飲畢以解授執事贊揖司正揖
賓介以下皆揖司正復位賓介以下皆坐贊讀律
令執事者舉律令案於堂之中引禮引讀律令者
詣案前北面立賓介以下皆立行揖禮如前讀畢

復位贊供饌執事者舉饌案至賓前次介次主三
賓以下各以次設贊獻賓主起北面立執事者斟
酒以授主主受爵詣賓前置於席少退贊兩拜賓
答拜訖主退復位贊賓酢酒賓起介從執事者斟
酒授賓賓受爵詣主前置於席少退贊兩拜賓主
交拜訖賓退復位主人起獻介介酢主人如前儀
乃各就位坐執事者詣三賓衆賓以下以次斟酒
於席訖贊飲酒酒三行贊奏樂工升歌周詩鹿鳴

之章卒歌笙奏

御製補南陔詩間歌周詩魚麗之章笙奏

御製補由庚詩乃合樂歌周詩闕雎之章卒歌工告備

出執事者行酒主賓以下飲無算爵贊徹饌徹饌

訖賓介主以下皆興主僚屬居東賓介三賓衆賓

居西贊兩拜賓主介拜訖贊送賓賓介衆賓主人

以次下堂分東西行出庠門一揖退監禮者出主

人送禮畢乃皆退

謹按八旗鄉飲酒禮於康熙九年舉行起至乾隆十九年停止謹將舊行儀注查載以識舊制

養老

順治十年

恩詔年老退甲兵丁照例一體賞賜

十八年議准八旗年老致仕官有奉

旨支原俸者仍照原品支給其餘年至六十致仕者給與

半俸

康熙五十二年三月

諭大學士等今歲天下老人為朕六十大慶皆從數千里而來賜伊等筵宴遣回著查八旗滿洲蒙古漢軍漢人大學士以下民以上年逾六十五歲以上者奏聞擇日賜宴有不能來者朕另行按分頒給再查八旗蒙古漢軍以至內府佐領不論官員閑散人等年七十以上老婦亦著奏聞俟老人賜宴後再定一日送

皇太后宮賜宴有貧乏不能來者著各屬協助車馬使之前來再敕宗人府諸王以下宗室子孫內二十歲以下

十歲以上選擇聰明堪供使任者六七十人令於耆老前執爵即朕子孫皆令之出宗室外不用他人也

是月二十七日禮部等衙門引八旗滿洲蒙古漢軍六十五歲以上老人大學士以下閑散人等以上至

暢春園正門前東西嚮列坐東坐西嚮內大臣和碩額駙尚之隆內大臣公舅舅佟國維領侍衛內大臣公海金領侍衛內大臣侯巴渾特大學士溫

達蕭永藻戶部尚書穆和倫禮部尚書赫碩色刑
部尚書哈山吏部侍郎傅紳戶部侍郎塔進泰兵
部侍郎巴顏柱理藩院侍郎諾木齊代副都御史
舒蘭大理寺卿孟世泰儀度額真佛保賽音廠都
統善丹馬爾賽朱瑪喇教三寧古塔將軍孟俄洛
護軍統領騰額特副都統毛奇他特石如璧偏圖
薩爾禪道福色閉散大臣伯四格圖拉等一百餘
人次列者老二千餘人西坐東嚮原任領侍衛內

大臣公阿爾泰原任尚書馬爾漢凱音布安布祿
范承勳阿山郭世隆原任總督石文晟于成龍原
任侍郎常書敦多禮巴錫戴都里多奇牛黑納努
黑鄂奇楊舒原任總漕馬世濟原任巡撫王國昌
劉光美許嗣興原任學士瓦爾達黃茂原任都統
圖世希魯白合車福納查拉克圖齊式班第原任
護軍統領洪海蘇黑原任副都統禪布安圖艾有
任黃象坤等三百餘人次列耆老二千餘人有司

陳設几席簋盞之儀膳羞燔炙之品

諸皇子率諸皇孫及宗室子弟執爵授飲東西前後
各十餘行次第以徧頃之

上出御幄陞座衆耆老進前跪獻

萬壽觴

上命扶掖八十歲以上者至

御座前

親賜酒一卮於時瑞靄綢緼惠風披拂太和翕聚懽若家

人內大臣臣尚之隆等跪奏曰臣等生逢

聖世身受

殊恩如天之福懼不能勝未知何以仰答高厚於萬一也
駕起還

宮隨傳

旨賜內大臣尚之隆等大學士溫達等致仕尚書馬爾漢

等袍帽有差又

賜八旗耆老人等銀兩有差諸臣及耆老各謝

恩而退

是日宴齊八旗官員八十歲以上

鑲黃旗滿洲三品官鄧光乾一人漢軍原任知縣
蒲敏政等五人

正黃旗滿洲六品官達巴納等三人漢軍五品章
京孫應麟等二人

正白旗滿洲原任護軍統領蘇黑等十九人漢軍
原任知縣員養純等二人

正紅旗滿洲原任侍郎敦多禮等八人蒙古佐領
古穆一人

鑲白旗滿洲前鋒校賽龍阿等五人蒙古驍騎校
毛什喇一人

鑲紅旗滿洲章京三泰等三人漢軍原任員外郎
陳懷德等二人

正藍旗滿洲原任雲騎尉蘇黑等八人蒙古原任
護軍校厄楞特等二人漢軍雅鼎一人

鑲藍旗滿洲原任侍郎戴都里等九人蒙古原任
雲騎尉厄爾色等三人

七十歲以上

鑲黃旗滿洲內大臣公舅舅佟國維等六人蒙古
都統朱瑪喇等六人漢軍原任尚書范承勳等十
七人

正黃旗滿洲原任尚書凱音布等四十二人蒙古
護軍統領騰額特等八人漢軍原任副都統黃象

坤等二十人

正白旗滿洲原任尚書馬爾漢等六十一人蒙古
佐領梯弟等三人漢軍原任總督石文晟等十六
人

正紅旗滿洲原任都統查拉克圖等四十一人蒙
古原任雲騎尉滿達希等三人漢軍步軍校鍾世
孝等七人

鑲白旗滿洲都統圖世希等五十二人蒙古護軍

校馬巴朗等二人漢軍大學士蕭永藻等四人

鑲紅旗滿洲大學士溫達等四十一人蒙古原任
雲騎尉葛穆德等三人漢軍大理寺卿孟世泰等
十人

正藍旗滿洲原任學士瓦爾達等五十人蒙古步
軍校特古思等二人漢軍騎都尉郭函臣等十人
鑲藍旗滿洲戶部尚書穆和倫等五十五人蒙古
原任護軍叅領查木素等六人漢軍原任巡撫許

嗣興等五人

六十五歲以上

鑲黃旗滿洲寧古塔將軍孟俄洛等六人蒙古原
任佐領波第等七人漢軍內大臣尚之隆等十人
正黃旗滿洲內大臣侯巴渾特等三十人蒙古原
任副都統艾有任等五人漢軍原任府丞李法祖
等九人

正白旗滿洲都統敖三等三十九人漢軍佐領張

國柱等十二人

正紅旗滿洲原任副都統安圖等三十人蒙古雲
騎尉花色等二人漢軍步軍校王雙全等六人

鑲白旗滿洲原任侍郎鄂奇等三十四人蒙古原
任雲騎尉莽鼐等二人漢軍原任守備魏士英二人
鑲紅旗滿洲一等侍衛朱常鳳等六十九人蒙古
步軍校托泰等四人漢軍原任總漕馬世濟等十人
正藍旗滿洲原任副都統禪布等六人蒙古騎

都尉耨楞等四人漢軍驍騎校朱國璽等六人

鑲藍旗滿洲原任二等侍衛色克巴等二十六人
蒙古理藩院侍郎諾木齊代等二人漢軍步軍校
徐全周等七人

右各員內

賜內大臣和碩額駙尚之隆舅舅佟國維侯巴渾特大學

士溫達蕭永藻尚書穆和倫哈山寧古塔將軍孟

俄洛原任尚書馬爾漢凱音布范承勳原任都統

查拉克圖煖帽各一項圍龍緞袍褂各二件鞞靴
各二雙副都御史岳蘭原任尚書安布祿原任侍
郎郭多禮涼帽各一項圍龍緞袍褂各二件鞞靴
各二雙原任護軍統領洪海原任都統班第原任
副都統黃象坤六品官達巴納于地都袍褂各二
件其餘八十以上銀各十五兩七十以上銀各十
兩六十五以上銀各一兩凡現任大臣官員與宴
不與賞原任官員未與宴者領半賞

是日宴賚八旗披甲閒散人等九十歲以上

鑲黃旗滿洲碩吉輝等二人

正黃旗滿洲孫朝福等二人

正白旗滿洲花鳳彩等二人

正紅旗滿洲哈世泰一人

鑲白旗滿洲靈印等二人漢軍王國敬一人

鑲紅旗滿洲王達等二人

以上各賞銀二十兩未與宴者領半賞

八十歲以上

鑲黃旗滿洲烏納布等二十六人蒙古托克托和
等二人漢軍何豹等十二人

正黃旗滿洲張進忠等三十一人漢軍張起雲等
二十九人

正白旗滿洲富哈納等三十四人蒙古四兒等三
人漢軍張汝秀等三十二人

正紅旗滿洲趙之英等四十二人蒙古巴顏等二

人漢軍劉光表等七人

鑲白旗滿洲根泰等二十二人蒙古博特羅等二人漢軍李雲元等十人

鑲紅旗滿洲甘楚喀等二十八人蒙古桃色等五人漢軍張福等十六人

正藍旗滿洲勒色禮等三十人蒙古里格等四人漢軍張百祿等十二人

鑲藍旗滿洲葉庫納等五十七人蒙古薩爾圖等

八人漢軍孟猷祭等五人

以上各賞銀十五兩未與宴者領半賞

七十歲以上

鑲黃旗滿洲黨大等二百十一人蒙古巴拜等四十一人漢軍王成等六十二人

正黃旗滿洲黑色等二百十九人蒙古黨色等十六人漢軍張義振等二百零一人

正白旗滿洲光柱等一百八十五人蒙古造經等

二十七人漢軍董奇等一百七十八人

正紅旗滿洲張治宇等二百零七人蒙古保住等
八人漢軍陸登朝等二十四人

鑲白旗滿洲長壽等一百九十六人蒙古巴木布
什等十八人漢軍顧邦懷等五十五人

鑲紅旗滿洲吳大禪等一百七十五人蒙古柯士
德等十二人漢軍辛喜等七十三人

正藍旗滿洲沈陽等一百六十一人蒙古六兒等

三十人漢軍陳秉治等三十六人

鑲藍旗滿洲費雅達等三百五十三人蒙古哈希
泰等三十人漢軍金壽等三十七人

以上各賞銀十兩未與宴者領半賞

六十五歲以上

鑲黃旗滿洲二黑等四十人蒙古南超等二十八
人漢軍張魁等四十人

正黃旗滿洲三奇等一百四十二人蒙古阿玉璽

等七人漢軍朱治國等一百五十四人

正白旗滿洲舒爾黑等一百四十九人蒙古歪拉
海等九人漢軍周文方等十三人

正紅旗滿洲多爾濟等四十二人蒙古二哥等十
一人漢軍張進忠等二十四人

鑲白旗滿洲朝什喜等八十二人蒙古趕年爾等
十三人漢軍郭有功等四十八人

鑲紅旗滿洲色勒等一百八十三人蒙古三圖等

八人漢軍羅奇生等二十六人

正藍旗滿洲哈賴等四十九人蒙古艾都等十五人漢軍李大韓等四十二人

鑲藍旗滿洲古圖罷等八十七人蒙古阿穆呼朗等二人漢軍周有壽等六十八人

以上各賞銀一兩

是日

命二十八日賜八旗年老婦人宴於

暢春園

皇太后宮門前

二十八日禮部等衙門引八旗滿洲蒙古漢軍七十歲以上年老婦人至

暢春園

皇太后宮門前東西嚮列坐頃之九十歲以上者召至

宮內凡大臣之妻年不及九十亦酌量召至

宮內賜坐

皇太后

皇上親視賜宴分頒果餌食席八十歲以上者丹墀下列

坐七十歲以上者

宮門外列坐

諸皇子率諸皇孫暨宗室子弟分視賜宴頒給果餌

食席宴畢

賜召至

宮內年老婦人豐貂文綺素珠銀兩有差

是日八旗官員之妻進

宮內賜宴者共五十六人

九十歲以上共六人

正黃旗滿洲原任侍衛烏爾佳齊之妻賴普氏等

二人漢軍原任遊擊李向日之妻劉氏等二人

正白旗滿洲原任郎中噶哈之妻一人漢軍原任

副都統徐治通之妻毛氏一人

八十歲以上共十一人

鑲黃旗滿洲原任侍衛薩木哈之妻一人

正黃旗滿洲原任一等輕車都尉達哈泰之妻覺羅氏等二人

正白旗滿洲原任杭州將軍郭丕之妻等二人漢軍原任輕車都尉王美之妻秦氏一人

正紅旗滿洲原任副都統莫達之妻薩克達氏一人

鑲紅旗蒙古原任驍騎校石大達之妻完顏氏一

人

正藍旗漢軍原任總兵官吳萬福之妻蘇氏一人
鑲藍旗滿洲原任副都統馬齊之妻等二人

七十歲以上共三十五人

鑲黃旗滿洲內大臣公舅舅佟國維之妻等八人
正黃旗滿洲原任尚書哈雅爾圖之妻那喇氏等
九人

正白旗滿洲原任都統瓦爾達之妻等五人漢軍

原任子曹希林之妻李氏一人

正紅旗滿洲原任都統查拉克圖之妻佛岳洛氏
等六人

鑲白旗滿洲原任都統年哈之妻陳氏等二人

鑲紅旗滿洲原任護軍叅領蘇敏之妻羊察氏一
人

正藍旗滿洲原任侍郎布爾賽之妻等二人

鑲藍旗蒙古原任男巴爾賽之妻一人

以上各

賜袍褂緞疋素珠等物有差

八旗披甲閒散之妻九十歲以上進

宮內賜宴者共二十八人

百歲以上一人

鑲白旗滿洲于二之妻富氏年一百三歲

賜銀三十兩素珠一盤宮紗手巾一條

九十歲以上共二十七人

鑲黃旗滿洲桑格之妻等四人蒙古克什圖之妻
一人漢軍楊成名之妻王氏一人

正黃旗滿洲李大之妻賈氏等五人蒙古額布根
之妻一人漢軍劉應元之妻呂氏一人

正白旗滿洲布什圖之妻一人蒙古雨沐之妻等
二人

正紅旗滿洲哈世泰之妻吳氏一人

鑲白旗滿洲布爾泰之妻完顏氏等四人

鑲紅旗滿洲哈爾薩之妻金氏等二人漢軍張忠之妻陳氏一人

正藍旗滿洲蘇喇之妻一人漢軍高文登之妻楊氏一人

鑲藍旗漢軍龐起龍之妻一人

以上各

賜銀二十兩及素珠壽杖等物其九十以上年老婦人未與宴者八旗共三十一人各領半賞銀十兩

四月初二日

命賞給八旗年老婦人銀兩有差

本年三月二十八日奉

旨今日年老婦人若照老人一體賞給伊等皆係婦人必致煩劇今召進殿內九十以上婦人及大臣之妻并朕識認者朕賞之其七十八以上者筵宴畢令各回本旗該旗都統等會同曾經會議大臣將來者與未來者逐一查明賞給務令均霑實惠賞過銀兩數目據實奏

聞欽此八旗都統副都統等將二十八日筵宴年老婦人并不能赴宴老婦人逐一查明各具木牌填寫歲數何項人妻伊子孫何項人帶往

暢春園

是日賞八旗八十歲以上官員之妻

鑲黃旗蒙古一人漢軍四人

正黃旗滿洲二十人蒙古八人漢軍十五人

正白旗滿洲三十一人蒙古一人漢軍十人

正紅旗滿洲二十五人蒙古三人漢軍三人

鑲白旗滿洲十九人蒙古一人漢軍四人

鑲紅旗滿洲十九人漢軍七人

正藍旗滿洲十四人蒙古一人漢軍三人

鑲藍旗滿洲十六人蒙古三人

披甲閒散之妻

鑲黃旗滿洲一百十三人蒙古十人漢軍十一人

正黃旗滿洲七十六人蒙古六人漢軍六十一人

正白旗滿洲八十人蒙古八人漢軍十五人

正紅旗滿洲六十七人蒙古七人漢軍十人

鑲白旗滿洲二十一人蒙古六人漢軍十七人

鑲紅旗滿洲九十人蒙古十一人漢軍二十九人

正藍旗滿洲四十人蒙古九人漢軍十八人

鑲藍旗滿洲一百二十二人蒙古三人漢軍十四

人

以上各賞銀十五兩未與宴者領半賞

七十歲以上官員之妻

鑲黃旗滿洲二人蒙古二十一人漢軍三十九人
正黃旗滿洲一百二十三人蒙古六人漢軍四十
三人

正白旗滿洲一百二人蒙古十二人漢軍四十九
人

正紅旗滿洲一百十八人蒙古十九人漢軍十七
人

鑲白旗滿洲一百五十三人蒙古八人漢軍十八

人

鑲紅旗滿洲十七人蒙古十五人漢軍三十一人

正藍旗滿洲一百三人蒙古十七人漢軍三十三

人

鑲藍旗滿洲一百九人蒙古九人漢軍二人

披甲閒散之妻

鑲黃旗滿洲四百九十三人蒙古八十二人漢軍

一百四十七人

正黃旗滿洲三百五十五人蒙古四十一人漢軍三百五十八人

正白旗滿洲三百九十八人蒙古六十五人漢軍二百八十五人

正紅旗滿洲二百九十七人蒙古二十六人漢軍五十五人

鑲白旗滿洲一百二十人蒙古三十九人漢軍九

十一人

鑲紅旗滿洲二百九十三人蒙古三十八人漢軍一百四人

正藍旗滿洲二百七十六人蒙古六十六人漢軍五十七人

鑲藍旗滿洲五百八十二人蒙古六十人漢軍六十一人

以上各賞銀十兩未與宴者領半賞

雍正二年

詔恩賜八旗大職官員等母妻年登八十者內造緞一疋

裏一疋七十者內造緞一疋

又

恩賜八旗兵丁母妻七十歲以上者紡絲棉花等有差

乾隆二十四年十一月

皇太后七旬萬壽

恩詔滿洲蒙古漢軍兵丁及內扎薩克喀爾喀等蒙古

年七十八九十以上分別賞賚至百歲題明給與
建坊銀兩餘悉照前例

乾隆四十九年十月

諭緊古帝王御世建極凝庥上有敷錫之君下享盈寧
之福洎乎近代史冊尠稱我

皇祖冲齡踐阼統馭寰區仁漸義摩涵濡休養康熙年間
曾舉行千叟宴與中外臣民躋壽宇而迓繁禧誠為
千載一時之嘉會朕誕膺丕緒敬紹鴻圖仰承

吳蒼眷顧福佑朕躬年逾古稀尚康強勤政惟是斂時錫
福期舉世咸登仁壽著於乾隆五十年正月初六日
舉行千叟宴盛典用昭我國家景運昌期重熙累洽
嘉與中外臣民耆老介祉延禧之至意所有一切事
宜著各該衙門敬謹預備五十年正月初六日
賜千叟宴於

乾清宮凡宗室王以下兵丁以上八旗共二千四百
三十二人皆與焉各

賜鳩杖如意貂皮錦緞有差

欽定八旗通志卷八十六

欽定四庫全書

欽定八旗通志卷八十七

典禮志十

八旗喪禮

王公等喪禮
公等瑩制

公主王妃等喪禮
官員喪禮

王

王公等喪禮

和碩親王薨

上輟朝三日會喪者和碩親王以下奉恩將軍以上民
公侯伯都統尚書子爵以下佐領騎都尉以上及

本異宗室集於外固倫公主和碩福晉以下奉恩

將軍恭人以上集於內全設儀仗並鞍馬空馬各

十五匹彩棺朱髹飾金龍內襯五層喪主

王長子無則長

孫承

及餘子皆剪髮辮去冠飾主婦

王福晉無則承以冢婦

及諸婦以下皆去首飾散髮成服王所屬官員俱

成服初祭

上賜牛一羊八酒九瓶紙錢三萬次祭

賜同加封謚給造墳銀五千兩命工部立碑墳前並建

碑亭翰林院撰給碑文初祭除

上賜羊紙外自脩引幡一桿金銀錠七萬紙錢四萬祭饌三十席羊九隻次祭同百日期年用金銀錠一萬紙錢一萬祭饌十五席羊九隻

上賜羊紙遣官詣墳致祭二次王所屬宗室官員於墳前門外跪迎俟所遣官過隨入讀祝祭奠畢仍送諭祭官至迎接所望

闕謝

恩行三跪九叩頭禮世子薨

上輟朝二日會喪者和碩親王以下奉恩將軍以上民
公侯伯都統尚書子爵以下叅領以上集於外園
倫公主和碩福晉以下奉恩將軍恭人以上集於
內全設儀仗並鞍馬空馬各十四匹初祭

上賜牛一羊八酒九瓶紙錢二萬五千次祭

賜同給造墳銀四千兩初祭除

上賜羊紙外自備引幡一桿金銀錠六萬五千紙錢四

萬祭饌三十席羊九隻次祭同百日期年用金銀
錠一萬紙錢一萬祭饌十五席羊九隻彩棺朱髹
繪龍殮視造墳封謚立碑

諭祭等項俱如和碩親王例郡王薨

上輟朝二日會喪者和碩親王以下奉恩將軍以上民
公侯伯都統尚書子爵以下叅領以上集於外園
倫公主和碩福晉以下奉恩將軍恭人以上集於
內全設儀仗並鞍馬空馬各十四匹初祭

上賜牛一羊六酒七瓶紙錢二萬三千次祭

賜同給造墳銀三千兩初祭除

上賜羊紙外自備引幡一桿金銀錠六萬紙錢三萬七

千祭饌二十五席羊七隻次祭同百日期年用金

銀錠一萬紙錢一萬祭饌十三席羊七隻彩棺朱

髹繪龍殮視造墳封謚立碑

諭祭等項俱如和碩親王例貝勒薨

上報朝一日會喪者世子郡王以下奉恩將軍以上民

公侯伯都統尚書子爵以下本旗佐領集於外和碩公主世子郡王福晉以下奉恩將軍恭人以上集於內全設儀仗並鞍馬空馬各十三匹初祭

上賜牛一羊四酒五瓶紙錢一萬五千次祭

賜同給造墳銀二千兩初祭除

上賜羊紙外自備引旗一桿金銀錠五萬紙錢三萬五千祭饌二十席羊五隻次祭同百日期年用金銀錠一萬紙錢一萬祭饌十席羊五隻彩棺朱髹繪

蟒殮視造墳封謚立碑

諭祭等項俱如和碩親王例不造碑亭貝子薨會喪者
貝勒以下奉恩將軍以上民公侯伯都統尚書子
爵本旗叅領郎中以上集於外貝勒夫人以下奉
恩將軍恭人以上集於內全設儀仗並鞍馬空馬
各十二匹用彩棺朱髹繪蟒內襯三層初祭

上賜羊五隻酒五瓶紙錢一萬次祭

賜同給造墳銀一千兩初祭除

上賜羊紙外自備引幡一桿金銀錠四萬紙錢三萬祭
饌十五席羊三隻次祭同百日期年用金銀錠八
千紙錢八千祭饌八席羊五隻封謚立碑

諭祭等項俱如貝勒例鎮國公卒會喪者貝子以下奉
國將軍以上集於外郡君貝子夫人以下集於內
全設執事並鞍馬空馬各十匹初祭

上賜羊四隻酒四瓶紙錢九千次祭

賜同給造墳銀五百兩初祭除

上賜羊紙外自備引禱一桿金銀錠三萬紙錢二萬一
千祭饌十五席羊三隻次祭同百日期年用金銀
錠七千紙錢七千祭饌七席羊四隻彩棺殮視封

謚立碑

諭祭等項俱如固山貝子例輔國公卒會喪者貝子以
下奉國將軍以上集於外郡君貝子夫人以下集
於內全設執事並鞍馬空馬各八匹初祭

上賜羊四隻酒四瓶紙錢八十次祭

賜同給造墳銀五百兩初祭除

上賜羊紙外自備引幡一桿金銀錠二萬紙錢一萬二千祭饌十五席羊三隻次祭同百日期年用金銀錠六千紙錢六千祭饌七席羊四隻彩棺殮襯封
謚立碑

諭祭等項俱如鎮國公例鎮國將軍卒輔國公以下奉國將軍以上集於外用朱棺襯一層設執事並鞍馬七匹初祭

上賜羊二隻酒二瓶紙錢五千次祭

賜同初祭除

上賜羊紙外自備引幡一桿金銀錠六千紙錢一千祭

饌六席羊三隻次祭同

上仍賜羊紙遣官祭一次翰林院撰給祭文迎接謝

恩如例立碑候

旨行輔國將軍卒會喪者鎮國將軍以下集於外用朱

棺襯一層設執事並鞍馬五匹初祭

上賜羊一隻酒一瓶紙錢四千次祭

賜同初祭除

上賜羊紙外自備引幡一桿金銀錠五千紙錢一千祭

饌五席羊三隻次祭同

上仍賜羊紙遣官祭一次內閣撰給祭文迎接謝

恩如例自立碑內閣撰給碑文奉國將軍卒會喪者輔

國將軍以下集於外用朱棺襯一層設執事並鞍

馬四匹初祭次祭

上共賜羊一隻酒二瓶紙錢六千初祭自備引幡一桿

金銀錠四千紙錢四千祭饌四席羊一隻次祭同

上所賜羊紙亦在數內

上仍賜羊紙遣官祭一次迎接謝

恩如例奉恩將軍卒不會喪用朱棺襯一層設執事並

鞍馬三匹初祭次祭

上共賜羊一隻酒二瓶紙錢三千初祭自備引幡一桿

金銀錠三千紙錢三千祭饌三席羊一隻次祭同

不撰祭文宗室卒用朱棺襯一層鞍馬二匹初次
祭用引幡一桿金銀錠三千紙錢三千祭饌二席
羊二隻八分以內和碩親王已娶妻未封之子卒
用鞍馬七匹郡王子用鞍馬六匹貝勒子用鞍馬
五匹貝子之子卒用鞍馬四匹鎮國公輔國公之
子卒用鞍馬三匹建造墓室聽便八分內無品級
宗室卒所用馬羊金銀錠紙錢祭饌照鎮國將軍
例和碩親王以下貝子以上薨鎮國公輔國公卒

俱由宗人府題請

賜封謚得

旨賜謚內閣擬謚以

聞鎮國將軍輔國將軍卒應否與謚宗人府具題請

旨奉國將軍以下不疏請葬期親王期年而葬郡王貝

勒七月而葬貝子以下公以上五月而葬凡應會

喪者進衙門用常服辦事如至喪家及墳所仍用

喪服

御前公侯伯內大臣護軍統領護軍叅領以上官員及
部員不應會喪者奉

旨遣往方許赴喪其餘各旗護軍統領護軍叅領護衛
各隨本府王等赴喪各官命婦亦隨本府王妃等
赴喪不許私往

公主王妃等喪禮

親王福晉薨會喪者和碩親王以下奉國將軍以
上集於外固倫公主親王福晉以下奉國將軍恭

人以上集於內設儀仗鞍馬六匹用彩棺內襯五層王下官員帽除纓官員妻俱喪服初祭次祭日

上賜牛一隻羊八隻酒九瓶紙錢二萬餘儀與親王喪

同世子福晉薨會喪者世子郡王以下奉恩將軍

以上固倫公主以下奉恩將軍恭人以上屬員服

喪及棺襯俱如親王福晉例設儀仗鞍馬五匹初

祭次祭日

上賜牛一隻羊六隻酒七瓶紙錢一萬五千餘儀與世

子同郡主福晉與世子福晉喪同貝勒夫人薨惟
固倫公主親王福晉不會喪屬員服喪及棺襯俱
如郡王福晉例設儀仗鞍馬四匹初祭次祭日除
上賜羊五隻酒五瓶紙錢一萬餘儀與貝勒喪同貝子
夫人薨會喪者貝勒以下集於外郡主貝子夫人
以下集於內屬員服喪俱如貝勒夫人例用彩棺
內襯三層設儀仗鞍馬三匹初祭次祭日

上賜羊三隻酒三瓶紙錢七千餘儀與貝子喪同鎮國

公夫人卒會喪貝子以下集於外郡君貝子夫人
集於內屬員服喪及棺襯執事馬匹俱如貝子夫
人例初祭次祭日

上賜羊二隻酒二瓶紙錢六千餘儀與鎮國公喪同輔
國公夫人卒惟郡君不會喪屬員服喪及棺襯執
事馬匹俱如鎮國公夫人例初祭次祭日

上賜羊二隻酒二瓶紙錢五千餘儀與輔國公喪同固
倫公主薨會喪者和碩親王以下奉國將軍以上

集於外國倫公主親王福晉以下奉國將軍淑人
以上集於內所屬官員俱喪服全設儀仗並鞍馬
六匹用彩棺襯五層

上共賜牛一羊八酒九瓶紙錢二萬餘儀節與親王喪
同若下嫁外藩翰林院撰擬祭文遣官致祭和碩
公主薨會喪者世子郡王以下奉恩將軍以上固
倫公主以下奉恩將軍恭人以上所屬官員俱喪
服全設儀仗並鞍馬五匹用彩棺襯五層

上共賜牛一羊六酒七瓶紙錢一萬七千儀節與世子

福晉同郡主喪儀與郡王福晉同縣主喪儀與貝

勒夫人同郡君喪儀與貝子夫人同縣君喪儀與

鎮國公夫人同鄉君喪儀與輔國公夫人同若下

嫁外藩均遣官致祭如儀親王側福晉喪與世子

福晉同惟

諭祭一次禮部疏請候

旨遵行不撰祭文世子側福晉喪與郡王福晉同郡王

側福晉喪與貝勒夫人同貝勒側夫人喪與貝子
夫人同貝子側夫人喪與鎮國公夫人同鎮國公
側夫人喪與輔國公夫人同輔國公側夫人喪輔
國公以下會喪餘與輔國公夫人同

王公等塋制

王府塋制親王享堂五間門三間描畫五彩飛金
小花圍牆一百丈門外房五間碑亭一座守塚人
十家世子郡王享堂三間門三間畫五彩小花圍

牆八十丈門外房三間碑亭一座守塚人八家

國倫

公主同

貝勒貝子享堂三間門三間紅油圍牆七十

丈門外房三間守塚人六家

和碩公主
郡主同

鎮國公輔

國公享堂三間門三間紅油圍牆六十丈守塚人

四家

縣主郡君
縣君同

奠費親王造墳銀五千兩世子造墳銀四千兩郡

王造墳銀三千兩貝勒造墳銀二千兩貝子造墳

銀一千兩鎮國公輔國公鎮國將軍造墳銀均五

百兩輔國將軍造墳銀四百兩

王府碑制親王石碑交龍首高四尺五寸碑身高
九尺濶三尺八寸七分龍跌高四尺五寸郡王石
碑交龍首高三尺九寸碑身高九尺濶三尺八寸
龍跌高四尺三寸貝勒石碑交龍首高三尺六寸
碑身高九尺濶三尺七寸三分龍跌高四尺一寸
貝子石碑交龍首高三尺四寸碑身高九尺濶三
尺六寸六分龍跌高四尺鎮國公輔國公石碑交

龍首高三尺三寸碑身高九尺濶三尺六寸三分
龍趺高三尺九寸

鎮國將軍碑式照一品例輔國將軍碑式照二品

例

王府造碑料價親王碑價銀三千兩世子碑價銀
二千五百兩郡王碑價銀二千兩貝勒碑價銀一
千兩貝子碑價銀七百兩鎮國公輔國公碑價銀
各四百五十兩鎮國將軍碑價銀三百五十兩輔

國將軍碑價銀三百兩

順治五年十月定

賜諸王以下修造園塋銀兩以和碩禮親王與衆不同
特賜銀一萬兩

乾隆十二年三月

諭據公九如奏請指俸借銀三千兩修伊高祖英親王
阿濟格園寢英親王原係國家宣力名王今伊園寢
年久傾頽不必借俸修理着即加恩交與工部撥官

帑修理

三十八年二月

諭睿親王多爾袞當

世祖章皇帝冲齡踐阼時攝政有年威福自專不能恪盡
臣節身歿之後因其屬人首告經諸王大臣定罪除
封成案具在第我朝定鼎之初睿親王實先率衆入
關肅清京輦檄定中原前勞未可盡泯今其後嗣廢
絕而瑩域之在東直門外者歲久益就榛蕪亦堪憫

側著交內務府派員前往相視將墻屋傾頽者酌加繕葺仍為量植松楸並准其近支王公等以時祭掃用昭朕篤念成勲瑕瑜不掩之至意

四十二年

諭現在修理履端郡王墳塋着加恩於養心殿內庫賞銀二萬兩

官員喪禮

異姓公和碩額駙卒用朱棺襯一層設執事並鞍

馬七匹初祭用引禡一桿金銀錠八千紙錢八千
祭饌八席羊四隻次祭同侯伯卒用朱棺襯一層
設執事並鞍馬六匹初祭用引禡一桿金銀錠七
千紙錢七千祭饌七席羊四隻次祭同一品官卒
用朱棺襯一層設執事並鞍馬五匹初祭用引禡
一桿金銀錠六千紙錢六千祭饌六席羊三隻次
祭同二品官卒用朱棺襯一層設執事並鞍馬四
匹初祭用引禡一桿金銀錠五千紙錢五千祭饌

五席羊三隻次祭同三品官卒用朱棺襯一層設
執事並鞍馬三匹初祭用引籓一桿金銀錠四千
紙錢四千祭饌四席羊二隻次祭同四品官卒用
朱棺襯一層設執事並鞍馬二匹初祭用引籓一
桿金銀錠三千紙錢三千祭饌三席羊二隻次祭
同五品官以下至有頂帶官故用朱棺襯一層設
執事並鞍馬二匹初祭用引籓一桿金銀錠二千
紙錢二千祭饌二席羊一隻次祭同異姓公以下

至有頂帶官父母妻及未分家子故用鞍馬一匹
其金銀錠紙錢祭饌羊各照其父子夫品級用百
日期年及常祭止許用金銀錠一千紙錢一千祭
饌三席羊一隻

公侯伯瑩制墳週圍牆一面二十度共八十度四
戶看守一品二品官員墳週圍牆一面各十七度
半共七十度二戶看守三品四品五品官員墳週
圍牆一面十五度共六十度一戶看守安葬在各

墳院內安葬六品官員以下有頂帶官員以上如有親戚墳院內安葬者週圍砌牆一面六度共二十四度六品官員以下看墳不過二人

墳塋石獸一品塋地九十步墳高一丈八尺二品塋地八十步墳高一丈四尺三品塋地七十步墳高一丈二尺石獸並六四品塋地六十步五品塋地五十步墳高八尺石獸並四六品塋地四十步七品塋地二十步墳高六尺發步皆從塋心數至

邊五品以上用碑龜趺螭首六品以下用碣方趺
圓首

官員碑制石像生民公侯伯石碑螭首高三尺二
寸碑身高九尺濶三尺六寸龜趺高三尺八寸一
品石碑螭首高三尺碑身高八尺五寸濶三尺四
寸龜趺高三尺六寸二品石碑麒麟首高二尺八
寸碑身高八尺濶三尺二寸龜趺高三尺四寸以
上俱用石人二石馬二石虎二石羊二石望柱二

三品石碑天祿辟邪首高二尺六寸碑身高七尺
五寸濶三尺龜趺高三尺二寸石馬二石虎二石
羊二石望柱二四品石碑圓首高二尺四寸碑身
高七尺濶二尺八寸方趺高三尺石馬二石虎二
石望柱二五品石碑圓首高二尺二寸碑身高六
尺五寸濶二尺六寸方趺高二尺八寸石馬二石
羊二石望柱二六品石碑圓首高二尺碑身高六
尺濶二尺四寸方趺高二尺六寸七品石碑圓首

高一尺八寸碑身高五尺五寸濶二尺二寸方趺
高二尺四寸

順治十八年議准在京部院滿洲蒙古漢軍大小
文員守制一月服滿即出理事私居持服盡三年
喪禮外其奉差出兵文官以回京聞喪之日為始
亦照定例遵行至各省駐防及在外出仕漢軍文
官伊父母在任病故者照例遵行在京病故者准
其離任回京以到日為始守制半年仍私居持服

盡三年喪禮員缺另補

康熙七年

命內外八旗滿洲蒙古漢軍武官為其父母祖父母及過繼父母祖父母居喪三月私居仍持服三年奉差出外者以回家之日為始

康熙十二年議准旗下服制凡滿洲蒙古漢軍文官以上遇有父母喪事不計閏准守制二十七月又承重孫為祖父母亦守制二十七月若長房無

子次房之長子亦應承重守制二十七月俱准其
百日剃頭照舊進署辦事仍在家居喪二十七月
滿日除服未除服之前凡穿朝服等處停其朝會
雍正元年定官民人等出殯除量造紙劄車馬轎
樓庫外其餘奇巧臺閣等項槩行禁止鞍馬衣箱
等喪家力能自備者照定例數目備用其或力不
能備除賃用棺罩執事外鞍馬衣箱等項徒滋糜
費應行禁止

乾隆二年

諭在京八旗文武各官遇有親喪例于持服百日之後即入署辦事原以旗員人少若令離任守制恐致悞公而伊等在二十七月之內仍各于私居持服以自盡其心惟是朝會祭祀之期或有執事或應陪祀之處仍俱一體行走未加分別俾盡孝思嗣後在京旗員有親喪者二十七月之內凡遇朝會祭祀之禮一槩免其行走

欽定八旗通志卷八十七

欽定四庫全書

欽定八旗通志卷八十八

典禮志十一

八旗卹典

王公卹典 官員卹典 旌表宗室覺
羅節孝 旌表官員兵丁節孝

王公卹典

順治十二年題准親王以下奉恩將軍以上薨故
者請

旨給與謚號

是年宗人府言襲替諸王奉

旨各照其父原封號襲封今已薨諸王應另加謚號勒碑

疏入

詔從所請

十四年定貝勒以下奉恩將軍以上無後嗣者仍
予謚立碑

康熙二年題准貝勒以下奉恩將軍以上薨故者
槩停題請給謚若應與謚者仍候

旨給賜

四年題准貝勒以下輔國將軍以上薨故者應否
與謚題請

欽定

九年宗人府等衙門題前代舊制諸王薨逝將謚
號載於封號之下

本朝見行例諸王薨逝給與謚號勒碑不將封號刊
勒恐後世之人難曉今臣等酌議薨逝諸王未與

謚號者應於封號下加謚號一字已與謚號者仍加寫封號

詔從所請

二十年大學士等奏追贈諸王謚號查前明時親王謚號係用一字郡王以下護國將軍以上皆用二字

上曰以後追謚郡王滿漢文亦俱用一字

官員卹典

天聰八年定凡功臣已故而無兄弟子嗣承襲者
准照官職免其丁之半其妻故後方令應差

順治二年定大臣病故者旗下官由該都統咨送
吏部查明轉行禮部給與祭葬

九年定異姓公侯伯子及管事內大臣都統大學
士尚書鎮守省城總兵官卒禮部具題候

旨命工部立碑內院撰給碑文外照例給羊紙遣官捧
祭文祭一次如係承襲之公侯伯子卒照例給羊

紙外不給祭文不立碑如承襲後曾有專任効力
三年者仍給祭文候

旨立碑都統副都統侍郎學士侍郎品級滿洲啟心郎
卒自立碑內院撰給碑文外照例給羊紙遣官捧
祭文祭一次如係承襲之官照例給羊紙不給祭
文不立碑如承襲後曾有專任効力三年者仍立
碑給祭文叅領理事官品級滿洲啟心郎理事官
輕車都尉卒照例給羊紙有專任滿三年者遣官

祭一次給祭文不立碑有專任未滿三年者及無專任輕車都尉以下騎都尉雲騎尉以上照例給羊紙不給祭文其承襲之公侯伯以下九品官以上或効力有年歿於戰陣或在任病故吏部分別咨禮部禮部具題其遣官

諭祭立碑皆候

旨行凡承襲之公侯伯以及有

勅書雲騎尉以上未上朝而卒者不給羊紙

順治十六年

諭朝廷軫念勞臣於其身後有諭祭之典及加謚立碑等項酬績勸忠所關甚重必其生平或行間著績或奉職勤勞乃堪承此典今凡牛录章京及拜他喇布勒哈番等官身故者一槩諭祭於典制未合反為輕用恩卹着另詳議定例具奏

十七年四月禮部遵

旨更定諭祭造奠例凡以功封民公侯伯病故者照會典

例造墳仍照品級給與紙張羊酒遣官致祭一次
加祭者出自

上裁如承襲劾有勤勞者題請祭葬候

旨舉行都統有職掌內大臣大學士尚書左右都御史
有兼銜加級者各按品照會典例造葬仍照世職
品級給紙張羊酒遣官致祭一次如承襲子爵劾
有勤勞者題請祭葬候

旨舉行都統侍郎學士副都統副都御史有兼銜加級

至一品二品者各按品照會典例造葬仍照世職
品級給紙張羊酒遣官致祭一次通政使大理寺
卿已經考滿者照會典例造葬未經考滿者減半
造葬仍照世職品級給紙張羊酒遣官致祭一次
老病致仕者照會典例造墳給與紙張羊酒遣官
致祭與現任官同無職掌內大臣前未有諭祭之
例今議雖無職掌但係內大臣應與紙張羊酒遣
官致祭一次無造葬叅領郎中佐領員外郎等陣

亡者給與紙張羊酒遣官致祭造葬否則不致祭
造葬其武職叅領以下文職卿郎中以下等官有
輕車都尉騎都尉雲騎尉世職者照舊給與紙張
羊酒無世職者不給議上

詔從所議

康熙九年題准本身所得民公侯伯病故給與全
葬並致祭銀兩遣官讀文致祭一次應否與謚請
旨定奪如有優卹出自

聖旨承襲公侯伯病故卹典同內大臣都統子爵品級散秩大臣大學士尚書左都御史鎮守將軍提督病故者各照品級給與全葬並致祭銀兩遣官讀文致祭一次應否與謚請

旨定奪如有陣亡者優卹出自

聖旨男爵學士副都御史總督總兵官加級至一品巡撫病故各照所加品級給與全葬並致祭銀兩遣官讀文致祭一次應否與謚請

旨定奪學士副都御史巡撫通政使大理寺卿病故三
年任滿者給與全葬未滿三年者給與半葬俱給
致祭銀兩遣官讀文致祭一次不請謚有加級者
仍照前例請謚布政使副將病故各照品級給與
全葬並致祭銀兩遣官讀文致祭一次不請謚雲
騎尉三等侍衛護衛以上陣亡者各照加贈品級
給與全葬並致祭銀兩遣官讀文致祭一次凡與
謚一品官員工部立碑碑文內閣撰擬尚書侍郎

等官以原官原品解任及隨旗上朝官員病故卹
典與現任同如無原官字樣止以原品上朝者不
准卹尚書都御史侍郎學士副都御史通政使大
理寺卿總督巡撫布政使提督總兵官副將以既
別京察年老有病原品致仕病故者俱不准卹承
襲官員加至男爵者給與半葬遣官致祭一次承
襲公以下雲騎尉以上未及歲滿上朝者不准卹
九年題康熙二年奉

上諭一品二品官曾經賜謚者除造墳外仍與立碑其三品官加級至二品者禮部原未定有立碑之例今陝西巡撫白清額既奉

旨賜謚應照二品官立碑嗣後官員凡給賜謚者即照此例行

詔從所請

三十八年

諭閒散子爵甚多有何給與謚號之處嗣後若頭等大臣

仍將應否給與謚號照舊請旨閒散子爵及副都統侍郎等官將請給謚號之處俱着停止只將給與全葬半葬部內一次致祭之處題請

四十四年題准嗣後男爵以下雲騎尉以上官員若係本身所得之官與襲職後又能効力得官病故者俱照舊例給與一次致祭銀兩其襲職官員俱停止給祭銀

又定武官奮勇力戰陣亡除給卹銀加贈品級廕

子弟一人外仍照舊例給與全葬遣官致祭凡民
公侯伯以下官員致祭銀兩定例公四十兩侯三
十五兩伯三十兩一品官二十五兩二品官二十
兩三品官十六兩四品官十二兩五品官十兩

十八年議准民公造墳銀六百五十兩侯六百兩
伯五百五十兩一品官五百兩二品官四百兩三
品官三百兩四品官二百兩五品官至七品官一
百兩凡一品二品由禮部題請三品以下官死難

者始行題請在旗下工部給發

凡與謚大臣立碑工價銀兩定例公侯伯各四百
兩一品官三百五十兩二品官三百兩三品官二
百五十兩給本家自造

旌表宗室覺羅節孝

順治九年

諭諸王宗室覺羅內有孝友義順及守節貞烈者宗人府

核實具奏禮部題請旌表

十年題准宗室內節孝者各依等第頒給

恩賜親王固倫公主親王福晉給銀一百兩緞十六疋
世子碩親王親王側福晉世子福晉給銀九十
兩緞十四疋郡王郡主世子側福晉郡王福晉給
銀八十五兩緞十二疋貝勒縣主郡王側福晉貝
勒嫡夫人給銀八十兩緞十一疋貝子貝勒側夫
人郡君貝子嫡夫人給銀七十五兩緞十疋鎮國
公貝子側夫人縣君鎮國公夫人給銀七十兩緞

九疋輔國公鎮國公側夫人鄉君輔國公夫人給
銀六十五兩緞八疋鎮國將軍輔國公側夫人給
銀六十兩緞七疋輔國將軍鎮國將軍夫人給銀
五十五兩緞六疋奉國將軍輔國將軍夫人給銀
五十兩緞五疋奉恩將軍奉國將軍淑人給銀四
十五兩緞四疋奉恩將軍恭人給銀四十兩緞三
疋鎮國將軍輔國將軍奉國將軍奉恩將軍女及
閒散宗室並妾女給銀三十五兩緞二疋以上俱由

戶部頒給內院撰擬

勅命一道獎諭凡旌表貞節者自固倫公主親王妃以下輔國公夫人以上俱照等第除

欽賜羊酒紙張外禮部仍照定例另給羊酒紙張內院撰文遣官致祭鎮國將軍夫人以下閒散宗室妻女部給羊酒紙張內院撰文遣官致祭凡覺羅內有節孝者給銀三十兩緞一疋有貞烈者給羊酒紙張內院撰文遣官致祭

十三年題准親王薨妾媵殉節者禮部給羊酒紙
張內院撰文遣官致祭

旗表官員兵丁節孝

順治九年題准滿洲蒙古漢軍孝子順孫義夫節
婦該管佐領驍騎校核實送叅領叅領核實送都
統副都統都統副都統核實送禮部禮部核實奏
請旌表

十年題准凡旌表節孝滿洲蒙古漢軍支戶部庫

銀三十兩聽其自行建坊

十二年題准滿洲蒙古漢軍孝子順孫義夫節婦
應令叅領佐領查明保送都統副都統再加核實
年終送禮部分別題請旌表

康熙三十七年

諭興起教化鼓舞品行必以孝道為先孝子尤宜褒獎八
旗貧人克盡孝道誠為非易如有盡孝於其父母者察
明奏聞

五十一年題鑲紅旗有受聘未婚之女聞訃剪髮
穿孝敬守夫墓守節三年從容自縊與尋常輕生
者不同奉

旨着照例旌表

雍正元年

恩旨節婦年逾四旬而身故計其守節已歷十五載以上
者亦應酌量旌獎又

恩旨旌表節義給銀建坊民間往往視為具文未曾建立

恐日久仍至泯沒不能使民間有所觀感著於地方公所設立祠宇將前後忠孝節義之人俱標姓氏於其上已故者則設牌位於祠中祭祀用以闡幽光而垂永久著交該部議奏禮部議覆八旗分左右翼擇地各建一祠一為忠義孝弟之祠立石碑一通將前後忠義孝弟之人刊刻姓氏於其上已故者設牌位於祠中一為節孝之祠門外建大坊一座將前後節孝婦女標題姓氏於其上已故者設牌位於祠中每

年春秋二次致祭交與大宛兩縣其建立祠宇牌坊交與工部營造其建坊銀兩嗣後應行停給奉旨孝行節義建立牌坊年久毀壞遂至湮沒今欲設立祠宇特為昭垂久遠之意並非欲節省錢糧部議建立祠宇停給建坊銀兩不合建坊銀兩仍着給與餘依議

四年鑲白旗貞女未婚聞壻病故自盡家人救甦至次日剪髮摘環哭往壻家願終守故墓該旗都統奏請旌表奉

旨如此貞節甚屬可嘉理應旌表

十三年八月順天學政錢陳羣奏稱婦人三十歲
以內夫死守節在先迨撫孤成立之後因子顯達
始獲受封者准予旌表具奏禮部議覆嗣後除受
封在先夫死在後之命婦仍照例毋庸旌表外其
三十歲以前夫死守節在先後因子貴受封之節
婦查明確實准其一體旌表奉

旨依議

乾隆十四年五月江蘇巡撫覺羅雅爾哈善奏各
省題報節婦應分別辦理奉

上諭國家旌表節孝所以發潛德之幽光正倫常而維
風化典至重也比見各省具題不過核其年例相符
遽請建坊崇祀非有奇節卓特之行其何以示勸今
經江蘇巡撫雅爾哈善奏請略為區別果係節而兼
孝或能教子成立或貧無依倚艱苦自守或毀形自
矢百折不回凡此卓卓奇節著於閭閻非尋常可比

者應於彙題時聲明請旨特賜建坊祠內照例標題
設位致祭其餘循分守節以老者准其附入彙題書
姓氏於總坊設位祠中不必更給坊銀等語雅爾哈
善所奏似猶未免為節省錢糧起見而朕意則以為
事當核實惟核實則庸庸者不得雜出其間而苦節
有以自見蓋國家令典雖曰善善欲其長而名器過
濫則無以示觀感且孝子當旌而不被旌者非即不
孝也節婦當旌而不被旌者亦非謂其不必守節也

江蘇一省歲至二百餘人俱令設位祠中日久濫觴
將無地可容豈所謂稱盛典耶他如名宦鄉賢其克
當之無愧者代有幾人而題請崇祀不一而足無非
督撫及該地方鄉紳欲為他日自身計未問其人之
名實相副與否即幸而賊私不致敗露亦難掩後人
耳目徒滋訾議上年滇省請以侍郎許希孔入鄉賢
朕經詳悉頒示明旨令各省督撫詳慎核實雅爾哈
善此奏甚為有見著九卿定議具奏經九卿議覆內

稱州縣親民之官果其民俗關心何致訪求不實
請令直省督撫訓示地方有司實心體訪諮於學
校詢於輿論如係夫亡守志舅姑年老無倚婦兼
子職奉養終身或宗祧所係藐孤煢子撫育有成
以綿嗣續或外迫強暴毀形見志事近捐軀終保
貞潔或境處卑微甘心荼蓼饑寒併迫秉節愈堅
如斯之類孝義兼全阨窮堪憫允宜亟為表彰具
結詳報督撫學臣秉公確查彙疏題請

旌表給銀建坊歿後致祭祠內以光俎豆其在荒村僻
壤孤苦單寒舉報無力易致湮沒尤宜搜訪詳報
以昭顯幽闡微之義如因仍故習委之隣族呈報
胥役核查以致舉報不實單寒遺漏俱照定例叅
處督撫不據實糾叅別經發覺亦交該部議處至
於尋常守節若槩令入祠崇祀當此風化盛明之
時人敦節義誠有無地可容之患但既經守節合
例亦不忍令其湮沒不彰應令地方官於本家呈

報之時核其年例相符詳明督撫學臣酌量給匾
嘉獎附疏彙題仍於祠內統建一碑俟具題之後
陸續刊刻姓氏載入本州縣誌書毋庸特予建坊
設位奉祀八旗節孝亦照此例畫一辦理奉

旨依議

十五年三月禮部議覆湖北巡撫唐綏祖條奏各
省給匾嘉獎節婦應照百歲老人之例交內閣撰
擬給匾字樣奉

旨依議嗣經內閣交出

欽定清標彤管字樣

三十二年十二月黑龍江將軍福僧阿奏請索倫
巴爾虎達虎里人等

旌表之處應行停止經大學士等議奏索倫巴爾虎達
虎里咨查

旌表節孝人等永行停止伊犁係新駐之處毋庸咨查
至凡有旗人省分咨送

旌表孝子順孫義夫之處竊思滿洲舊習直樸孝義之行俱係分內之事應請嗣後停止奏准通行

三十九年五月據總管烏魯木齊等處都統索諾木策凌咨巴里坤正紅旗對齊佐領下前鋒特柱之妻伊爾根覺羅氏應否照依內地之例一體

旌表經禮部查烏魯木齊巴里坤駐防官兵係由西安寧夏等處移駐雖係新設實與內地無異且前在西安等處有貞節婦女均得援例請

旌與黑龍江所屬呼倫貝爾打牲遊牧各處原屬迥別

奏准



欽定八旗通志卷八十八

欽定四庫全書

史部

欽定八旗通志卷

八十九至
九十一

欽定四庫全書

欽定八旗通志卷八十九

典禮志十二

滿洲祭神祭天典禮一

祭神祭天議
彙記滿洲祭祀故

事 坤寧宮元旦行禮儀注 堂子亭式殿元旦

行禮儀注 堂子亭式殿祭祀儀注 堂子亭式

殿祭祀祝辭 尚錫神亭祭祀儀注 尚錫神亭

祭祀祝辭 恭請神位祭于堂子儀注 恭請神

位入宮儀注

祭神祭天議

每日

坤寧宮朝祭夕祭每月祭天每歲春秋二季大祭四季獻神每月於

堂子亭式殿

尚錫神亭內掛獻淨紙春秋二季

堂子立杆大祭一切禮儀俱行之已久燦然美備無可置議惟昔日司祝之人國語嫻熟遇有喜慶之事均能應時編纂禱祝厥後司祝之清語不及前人復

無典冊記載惟口相授受於字句音韻之間不無
差異即如祭天之贊辭掛獻淨紙之禱辭掌儀司
俱載有冊檔是以無稍差遺所有司祝之祝禱辭
章若不及時擬定載在冊檔誠如

聖諭音韻字句漸至訛舛今謹將

內廷司祝之一切祭神背銜禱祝贊祈等辭錄出詳
闕不惟字句多有差謬即左右兩翼承充

內廷司祝之贊辭亦彼此互異是以臣等令五旗王

公等將各家祭神辭章錄送並令從前司祝家內
將伊等舊有祝禱辭章悉行錄呈彙寫一帙臣等
公同敬謹覆核訂悞補闕刪複去冗又各就所見
粘籤恭呈

御覽伏候

欽定再恭查

坤寧宮每日祭神至祭馬神之時復於祭馬神室內
另祭所有禱祝之辭亦應更正臣等逐條繕寫恭

呈

御覽如蒙

皇上訓示謹遵繕成全部永遠奉行請自王以下宗室
覺羅以及奉祭覺羅

神之滿洲人等有情願抄錄者俱准其抄錄庶為臣僕者
仰沐

皇仁滿洲舊俗不致湮沒而永遠奉行矣謹此議

奏

獻鮮胥鐙祭議

我滿洲之禮凡祭神祭天犧牲俱用整齊全備者
稍有殘缺即斥而不用是以祭祀之犧牲供獻

神位不稍留剩即膽與蹄甲亦取置碟內陳於旁案初我
滿洲在本處圍場既近所獲之獸可乘其鮮好胥
鐙以祭迨入京師圍場既遠或所獲之獸已越晝
夜或係多傷或已取去腑臟因其不全不敢祭獻
今臣等欽遵

上諭公同詳議如

盛京等處畋獵

皇上親射之獸既難送京祭獻請仍照從前不獻外現

在

大內凡新得鮮果鮮蔬既恭獻

神位而舊例曾以雛雞鮮魚等物背鐙以祭王等以及各

滿洲等亦仍有以雛雞鮮魚之類背鐙以祭者請

嗣後南苑等處附近畋獵

皇上親射麋鹿等獸內傷止一處尾蹄臟腑齊全者如
有

旨令背鐙以祭則所司恭賚交司俎人等敬謹修整祭
獻若傷多殘缺不全者仍請勿用至時新鮮物臣
等按其時令請每歲春季以雛雞各二夏季以子
鶩各一秋季以魚各一冬季以雉各二背鐙以祭
其應獻之雛雞子鶩交會計司令莊頭擇肥美者
交納魚雉交都虞司令網戶獵戶擇鮮整者交納

均以生者由掌儀司官員詳視交司俎官敬謹修整於

神位前背鐙以祭等因議准施行

彙記滿洲祭祀故事

我

滿洲國自昔敬

天與

佛與神出於至誠故創基

盛京即恭建

堂子以祀

天又於

寢宮正殿恭建

神位以祀

佛

菩薩

神及諸

祀位嗣雖建立

壇

廟分祀

天

佛暨神而舊俗未敢或改與祭祀之禮並行至我

列聖定鼎中原遷都京師祭祀仍遵昔日之制由来久矣

而滿洲各姓亦均以祭神為至重雖各姓祭祀皆

隨土俗微有差異大端亦不甚相遠若

大內及王貝勒貝子公等均於

堂子內向南祭祀至若滿洲人等均於各家院內向南以

祭又有建立

神杆以祭者此皆祭

天也凡朝祭之

神皆係恭祀

佛

菩薩

闕帝惟夕祭之

神則各姓微有不同原其祭祀所由蓋以各盡誠敬以溯

本源或受土地山川

神靈顯祐默相之思而報祭之也

大內每歲春秋二季於

堂子內立杆祭祀復於

宮內報祭除齋戒並禁止屠宰日期外每日祭神每

月初二日祭天一次四季則有獻神之祭分府之

皇子與

宮內居住之皇子如奉

旨

坤寧宮祭神每月於

皇上祭神祭天後各按次序祭神一日祭天一日其未分

府在

紫禁城內居住之皇子每月各於所居之處祭神祭

天王貝勒貝子公等每歲春秋二季挨次在

堂子內立杆祭祀並各於本家報祭每月祭神祭天公侯
伯大臣官員以下至閑散滿洲或每月或每歲或
四季二季一季於本家內祭神先是每歲春秋二
季

大內立杆祭神過二三日後親王以下入八分公以
上各按班次由

坤寧宮內恭請朝祭夕祭

神位至於各家屈立杆祭祀之日恭請朝祭

神位在

堂子內祭畢仍請至家內夕間大祭於是挨次恭請

神位祭祀俱照此至於月終

大內司俎官司俎等恭請

神位進宮是時

坤寧宮每日祭祀朝則於供

佛金亭幔帳之前夕則於架幔神位前祭祀康熙五十七

年奉

聖祖仁皇帝

諭旨停止王等恭請

神位雍正元年

世宗憲皇帝

特命莊親王怡親王恭請

神位於其府內各祭一次凡滿洲各姓祭神或用女司祝
亦有用男司祝者自

大內以下閑散宗室覺羅以至伊爾根覺羅錫林覺

羅姓之滿洲人等俱用女司祝以祭從前

內廷主位及王等福晉皆有為司祝者今

大內祭祀仍揀擇覺羅大臣官員之命婦為司祝以

承祭事凡

宮內居住之皇子有

旨令在

坤寧宮祭神仍用覺羅司祝祭祀外若

紫禁城內居住之皇子祭神則於上三旗包衣佐領

管領下之覺羅或異姓大臣官員閑散滿洲人等
妻室內選擇為司祝令其承祭其已分府之皇子
及王貝勒貝子公等俱於各該旗屬包衣佐領管
領下之覺羅或異姓大臣官員閑散滿洲人等妻
室內選擇為司祝令其承祭如屬下並無為司祝
之人或於各屬下包衣佐領管領下之滿洲婦人
內選擇令其為司祝以祭或另請司祝以祭自公
侯伯大臣官員以下以至閑散滿洲用女司祝祭

祀者俱於本族中選擇以承祭事如實不能得人
即於家內仿照司祝祭神之例整理祭物焚香獻
酒本家家長叩頭省牲供肉叩頭以祭其用男司
祝祭祀之家各由本家請男司祝以祭自

大內以下閑散宗室覺羅以至伊爾根覺羅錫林覺
羅姓之滿洲人等祭祀均用猪

大內每日朝夕各用猪二祭天用猪一王以下入八
分公以上立杆大祭日朝夕各用猪二至閑散宗

室覺羅等常祭並報祭之日朝夕各用猪一祭天
用猪一

大內春秋立杆祭神後祭馬神二日各用猪二王公
等祭馬神一日各用猪一求福祭祀用鯉魚二其
餘各姓滿洲內有惟求福者亦有惟祭天者祭神
祭天止用猪一或用羊一或用猪羊各一或用猪
數口羊數牽或用小猪鷺魚不等至於灌油熟胙
供獻則大畧相同

大内則

主位或以初次所獲禽獸或以新得鳶魚之類背鐙以祭
其王等以及滿洲家亦有以鷄雞與魚並新穫米
穀等物背鐙以祭者除祭神祭天樹柳枝祭求福
以及祭馬神外滿洲人等又有因子女出痘因避
以猪饅祭天者謂之痘祭以饅祭天者謂之饅祭
昏夜於室西山牆外以小猪祭天者謂之去祟田
苗正長因生蟲或遇早前往田間懸掛紙條如旂

以細木夾之蒸饊與飯捧至田間以祭謂之祭田
苗神至於秋收後蒸饊捧至場院以祭者謂之祭
場院復有夜祭七星者謂之禳祭再滿洲人等久
居屯莊有欲祭神者於卧室內以繩貫於新衣飾
如神幔照平日祭神之禮以酒饊與猪祭之是以
聖祖仁皇帝幸

暢春園

熱河駐蹕日久即在

暢春園

熱河張掛神幔設

佛亭神位以祭今

聖主法

祖懿行於乾隆八年駐蹕

盛京時亦曾懸掛神幔設

佛亭神位以祭焉至於祭天之禮滿洲人等於所至之地
皆可舉行但尋潔淨之木以為神杆或置祭斗或

縛草把購猪灑米以祭自王貝勒貝子公等以至宗室覺羅滿洲各姓大臣官員閑散滿洲凡遇喜慶之事各以財物獻神如有應禱祝之事亦以財物獻神求福再大臣官員滿洲人等聘女先期取壻家財物獻於

神位以之獻神祭天而滿洲內亦有

神位前不設抽屜桌僅在神板上供獻香碟者凡祭祀行禮時主祭之人皆免冠以至誠敬至於供饌之禮

大內每歲春秋二季立杆大祭則以打饊搓條饊饊
供獻正月以饊子供獻五月以椶葉饊饊供獻六
月以蘇葉饊饊供獻七月以新黍蒸淋漿饊供獻
八月以新稷蒸飯用木榔頭打熟作為餃子煤油
供獻餘月俱以灑饊供獻除淋漿饊搓條饊饊外
俱用稷米王府亦如之至各姓滿洲人家有同此
供獻者或有供獻豆麪饊饊者或以稷米蒸飯供
獻者或以新麥煮飯供獻者復有以新穫菽磨麪

作餅甚薄謂之煎餅以供獻於

神位者至若江南各省駐防滿洲人等因其地不產稷米
即以江米代之在京之滿洲人等或無莊頭者其
釀酒灑饊打饊即以所領俸米內江米代稷米用
之其釀酒之法

大內春秋二季立杆大祭則於四十日前設缸蒸稷
米飯和麩釀之謂之清酒每月常祭則三日前亦
蒸稷米飯和麩釀之謂之醴酒王府亦如之若滿

洲人等釀酒或以稷米或以江米又有滿洲人家或以粟米或以稷米或以蒼耳燒酒以祭者凡滿洲人等祭祀所用之酒與饌皆自釀告並不沽之於市是以

大內特立神厨每月祭祀釀醴酒製麴磨麴蒸米煮豆炒菽作搓條餽餽子蘇油俱於神厨造作其碓磨蒸籠鍋缸木槽柳斗簸籬桶擔篩籬箕之類皆專設一分以上器皿他處不准使用王府及

勳舊滿洲人家均各專設一分若單姓寒門並無
另室之家於祭期之前整理祭品後洗滌鍋缸封
閉以備祭祀之用是以舊俗當此時或比鄰或戚
眷以整理祭品之家已封閉鍋竈各備飯穀送往
至祭神祭天之期凡送飯之人俱邀請共食祭肉
再從前在本處祭祀時不得上好淨紙是以各家
或以夏布或以麻苧搗至熟爛入水浸泡拌以糠
糝掛於簾幔以造紙焉至於滿洲人等自昔遵行

祭祀諱忌規條凡

神位必供於正室背鐙祭祀之肉例得出門其朝祭之肉除皮骨外一概不准出戶凡食祭肉雖奴僕經家長使役亦不得口含嚼咀以踰戶闕必下咽方准出祭室之門亦有人家祭肉俱准出門者又有人家即背鐙祭肉亦不准出門者其祭祀用猪之滿洲人家如遇墓祭喪祭皆不用猪是以

世祖章皇帝

特命於

陵寢祭獻所用之生牛羊猪內將猪易以牛一羊二凡滿
洲養牲畜人家不令猪入祭室院內倘有走入
者即省其猪以祭之省者避宰割之辭猪死則謂
之氣息凡祭祀背鐙所用之猪皆謂之犧牲祭祀
時焚掛獻之紙錢曰化之燒燎猪之頭蹄削去其
毛則不曰刮之而曰燂之若已整理祭品又已釀
酒則不入有服之家倘遇不得已之事必須往者

已汚其目則不即入祭室必俟新更月建後始入
焉或易其衣冠沐浴過三日後亦可入滿洲人等
如本家遇有孝服者必請出

神位暫安於潔淨之室若族中孝服則在大門外釋去孝
衣始入院內如無另室之家則淨面洗目焚草越
火而過之始入供

神位之板或以紅紬方幅或以紅氈或以紅紙掩蔽之祭
神之室及院不准持鞭以入祭室之內不准露置

財帛不准妄行垂淚不綴纓緯者不准其入不責
處人不語傷心事不言忌諱惡語務擇嘉祥吉慶
事言之

聖祖仁皇帝屢降

諭旨於故老所謂諱忌之事

訓戒嚴切仰惟

聖祖仁皇帝家訓所載故舊滿洲人等諱忌一事皆與古

昔載籍相符今夫同一諱忌之事家有尊長者子

孫則為尊長諱忌之若子孫衆多之家尊長亦為子孫諱忌之此皆恤下敬上之意爾等當知之而奉行之也

坤寧宮元旦行禮儀注

正月初一日三更司香於

坤寧宮朝祭夕祭

神位前俱點香

皇帝

皇后行禮司香鋪毯如遇

皇帝率王貝勒貝子等於

坤寧宮朝祭夕祭

神位前行禮則司香照常點香鋪

皇帝行禮之毯

堂子亭式殿元旦行禮儀注

每歲正月初一日

皇帝恭謁

堂子行禮武備院卿於甬路中間鋪拜褥

皇帝至

亭式殿前向上立鴻臚寺鳴贊贊行禮

皇帝三跪九叩行禮畢還宮預派內務府總管一員於

堂子亭式殿內高案下所立杉木柱上掛淨紙錢二十七

張自是諸王護衛等挨次各掛淨紙錢二十七張

司俎官點香

堂子亭式殿祭祀儀注

正月初三日每月初一日於

堂子亭式殿祭祀是日司俎官一員司俎一人於

亭式殿內高案下所立杉木柱上掛紙錢二十七張案上

供時食一盤醴酒一琖又於所設小桌上供椀二

一盛酒一空設司香點香奏三絃琵琶之內監二

人於

亭式殿外甬路上西首向東鳴拍板拊掌之者守

堂子人東面向西俱坐司祝進跪司香舉臺琖授司祝司

祝接授臺琖獻酒六次司俎官一員於

亭式殿外階下東首立贊鳴拍板即奏三絃琵琶鳴拍板
拊掌司俎每一獻將所獻之酒注於空椀內復自
盛醴酒椀內挹新酒注於二琖中獻之每一獻司
俎官贊歌鄂囉羅看守

堂子人歌鄂囉羅六次獻畢以臺琖授於司香司祝一叩
頭興合掌致敬司俎官贊停拍板其三絃琵琶拍
板暫止司香舉神刀授司祝司祝接受神刀進司

俎官贊鳴拍板即奏三絃琵琶鳴拍板拊掌司祝
一叩頭興司俎官贊歌鄂囉羅衆歌鄂囉羅司祝
擎神刀禱祝時則歌鄂囉羅誦神歌祝禱三次如
前儀如是九次畢司祝一叩頭興復禱祝三次以
神刀授於司香司俎官贊停拍板其三絃琵琶拍
板皆止司祝跪祝一叩頭興合掌致敬退所供酒
食分給看守

堂子之人

正月初三日每月初一日

堂子亭式殿祭祀祝辭

上天之子紐歡台吉武篤本貝子某年生小子某

年生小子

為某人祭則呼
某人本生年

今敬祭者豐於首而仔

於肩衛於後而護於前畀以嘉祥兮齒其兒而髮
其黃兮年其增而歲其長兮根其固而身其康兮
神兮貺我神兮佑我永我年而壽我兮

尚錫神亭祭祀儀注

每月初一日於

堂子內東南隅

尚錫神亭祭祀獻時食一盤醴酒一琖於高案上司俎點
香司俎滿洲掛淨紙於高案下所立杉木柱上自
是諸王護衛等挨次掛淨紙滿洲管領一名掛齋
戒數珠免冠脫褂解帶入跪祝叩頭叩頭畢出司
俎入將供獻之酒注於桌前地上所設大椀內撤
所供時食分給管領

每月初一日祭

尚錫神亭管領祝辭

上天之子尚錫之神月已更矣建始惟新某年生

小子

為某人祭則呼
某人本生年

敬備染盛兮潔楮並陳惠我

某年生小子

為某人祭則呼
某人本生年

貺以嘉祥兮畀以康

寧

恭請

神位供於堂子儀注

每歲十二月二十六日恭請

神位供於

堂子是日屆時衣金黃緞衣內監十六人舁二黃緞
神輿進

內左門

近光左門

景和門預備於

坤寧宮門外衣黃緞衣司俎滿洲二人恭請朝祭

神位夕祭

神位各安奉輿內衣金黃緞衣內監十六人舁二輿由

宮殿正門出前引杖四對羊角燈二對亦用衣金黃

緞衣太監執之司俎官二員司俎二人司俎滿洲

二人由

宮內前引至

乾清門外侍衛十員前導掌儀司官一員扈行出

東長安門至

堂子於

饗殿內並與奉安朝祭

神位於東夕祭

神位於西與前各設大低桌一桌上各供香碟一看守

堂子人員每日朝夕點香二次

恭請

神位入宮儀注

每歲正月初二日自

堂子恭請

神位入

宮是日屆時衣金黃緞衣內監十六人入

饗殿內恭昇二黃緞

神輿前引杖四對羊角燈二對俱用衣金黃緞衣內監執
之侍衛十員前導掌儀司官一員在後扈行仍入

東長安門由

宮殿正門至

乾清門止司俎官二員司俎二人司俎滿洲二人前
導進

乾清門至

坤寧宮門外衣黃緞衣司俎滿洲二人由輿內恭請

神位至

坤寧宮各安奉於原

位

欽定八旗通志卷八十九